

五邊典則

顧廷龍署



五邊典則

卷之四

邊典則卷之四

信安徐日久子卿父集

勾餘施邦曜爾韜父

全較

閩漳張

燮紹和父

嘉靖四十年正月初

上從兵部議

命歲發帑銀三萬兩充薊州撫賞屬夷之用已
戶部復稱錢糧缺乏議止發銀六千其餘以
該鎮租銀香錢之類補之至是諸夷索賞數
多各關提調費無所出乃私借募軍銀及尅

五邊典則 卷四
減月糧給之總督尚書許論以爲此猶剗肉
醫瘡勢必糜爛乃上疏請戶部歲給銀一萬
二千兩兵部更給馬價銀三千兩餘乃取之
本鎮軍租贖鍰及香課諸銀毋得重累貧軍
下兵部覆可從之

六月時薊州境外夷屬有闌入石門寨攘民
家牛者邊臣以詰其酋都督影克及其弟兀
魯思罕長禿等以其牛還旣而索盜則縛

中國被掠者二人詭夷名兀可赤虎喇赤以獻

守臣譯得其情以其事聞

上從部議

賜影克織金紵絲衣一襲綵幣二表裏兀魯思
罕長禿綵幣二表裏所獻

中國人各遞歸原籍

八月

上命大學士嚴嵩等曰自博入朕每慮邊務今
秋恐有擾者其語博早定策以遏之於是兵
部尚書楊博上守禦機宜略曰今之九邊大

率以薊鎮爲重蓋腹心旣安四肢自無可虞
今虜止是永邵保兀慎擺腰三部兵寇大同
鎮川堡而其酋俺答黃台吉把都兒及土蠻
等潛形不露竊恐其謀窺薊鎮伏承

大慮臣謹以六事獻一請初

邊臣逐大同之寇堅壁清野以固其守設伏
出奇以挫其鋒分精兵以搗其窠簡惡少以
邀其馬使賊不得近薊鎮一禦賊必先獨石
哨探所謂薊鎮得情獨石得其形也宜令宣

大邊臣偵實馳報預備之於黃花古北等處
一薊鎮各區兵備官一切兵糧事宜悉聽其
區處督撫官不得遙制仍定擬賞罰以勵人
心一昌平居庸黃花鎮三區與宣府懷來隆
慶永寧四海冶相爲唇齒宣大總督每當秋
近移駐懷來止爲南山之備但事在兩鎮未
免自分彼此宜令相機策應但使虜馬不得
入關卽爲首功一薊鎮主客兵糧屢稱缺乏
宜卽時給發一燕河冷口一帶逼近遼東督

撫官隔遠調度不及宜責之遼東兵將聞警
星夜赴援不必候調疏入

上以所奏事宜悉允施行令戶部亟發主客兵
糧毋悞於是戶部奏請於年例外加發餉金
四萬兩得

旨邊臣不許妄侵必節愛實用

九月郎中許汝驥自薊鎮闕兵還

上言薊鎮西以居庸爲內戶而宣府其外門也
恃懷來四海治以爲之蔽東以山海爲內戶

而遼東其外門也恃前屯寧遠以爲之蔽介
屯成一空止恃叛服不常之屬夷而欲以控
制強虜其可得乎臣竊考薊鎮之軍有三繼
補之軍以丁繼丁多脫籍而鮮實召補之
以人代役率萃渙而易離新募之軍設法
數多驕惰而難用軍之名目日衆奸弊日滋
此所以愈補而愈不充也先是郎中唐順之
徐善慶僉謂選將練兵可以禦虜其說旣施
行矣而成效未睹其弊蓋有六焉將官私役

賣閒弊一精卒健馬多選爲大將親軍獨遺
老弱守邊弊二科歛無術弊三廢閒將官冗
食皆取之軍弊四屬夷挾賞無厭弊五給餉
不時弊六此所以屢練而不精也因敷述補
練便宜以上其說甚備兵部乃列其所奏爲
十四事酌議覆行之一餘丁以備繼補之數
宜盡麗尺籍遇缺按冊頂補毋使隱避一各
處城操官軍行兵等道逐一查點防守毋
得役佔一節鎮新募之兵五技原係停免河

南入衛之兵歲解工食以給各兵今愆期不
至宜行該省撫按官作速徵解一兵備憲臣
止聽督撫官節制鎮守衙門不得牽掣其副
將有缺止於武臣中選署毋使憲臣兼攝一
薊鎮總挑選各區之兵常住三屯誠爲弊政
宜行查革及武職占役者盡數掣回一廢棄
各官在鎮聽用多致害事宜量留其謀勇可
用者餘皆革退一各區置立文簿將兵馬多
寡錢糧盈縮之數登記明白以便稽查一各

官兵以拒守爲首功斬獲爲次功禦虜有功
雖無擒斬所陞職級一體世襲哨夜人等哨
報大舉得實卽同擒斬一各區叅遊等官照
舊防守信地一遇應援宜與兵備道會議行
事不得偏執已見致悞事機一薊鎮軍營收
糧文移俱無印信難以稽考宜行議處或權
附近衛所印信行之一各區戰臺逐一修築
務令附近塞垣以濟實用一椿朋等銀宜行
兵備道立限追徵以備買馬鎮守等官毋得

追取一屬夷到邊宣宣恩威然後撫賞使知
感激如有撲捉要求卽行剿殺

上曰先年以薊鎮調用邊兵非遠謀下令補練
土兵以免常調總督鎮巡官漫不用心每歲
惟恃調發坐困供餉何有紀極今有三年差
官閱視卽稱照舊不堪戰守各官不畏

明旨敢爾欺肆許論旣革任待查明併治總兵
張承勲革任下御史逮繫併所劾贓罪問報
巡撫張珌姑降一級調外任副總兵袁正等

五十六人降實職三級留供職副使張邦彥
五人罰俸一年楊選其嚴加督率訓練若
效重治不宥餘如擬

督薊遼保定都御史楊選條上地方極弊
十五事一本鎮軍士防守修工糧餉獨薄加
以撫夷之扣除倉廩之小繼至致逃亾提解
老弱行乞此主兵不振之弊也一邊兵入衛
爲其諳曉虜情熟經戰陣足爲防禦用也今
陝西三鎮其率之而來者羸馬殘械空拳裸

體殆居其半此邊兵不振之弊也一寧山德
州天津河間通州左等衛每年有春秋二班
軍士涿鹿興州中等四衛有下三千之軍分
地擺守此輩浮脆不武即使營伍充足尚不
堪用矧又逃者數多住者無食此班軍士不
振之弊也一本鎮舊募軍有昌平密雲遵化
永平四枝新募軍有山海關曹家寨二枝各
軍應募不過利安家銀兩及月糧行糧而已
今糧多欠缺安家無銀司兵者每煦煦慰拊

恐其逃散而又何敢申法令以教演哉此募
兵不振之弊也一主兵糧大半出於民運客
兵糧全數出於

內帑每年終會計上疏多爲戶部題削加以帑
發過期商價拖欠民運不來災沴歲有處處
受敵處處缺備此糧餉不振之弊也一薊鎮
月糧給本色者尚可保一家給折色者不能
贍一身乃在東數區常至四五閱月而不給
在西數區常二三閱月而不給此月糧不敷

之弊也十山陝入衛兵馬七月初已上關隘
類給以一升五合之行糧加以糠粃沙土之
插和此軍士家千百里爲

國家終歲勤瘁乃其日給之糧不獲一飽乃又
有間支折色又或十餘日無支者如之何不
典賣衣甲凍餒而逃也此行糧不敷之弊也
一近年議討撫夷之資戶部給銀七千兩兵
部給銀三千兩止充三分之一之川賞薄不
饜夷欲則戡官墩軍隱藏虜訊邊將爲所要